

# Riikkaviidosáččat árvvolaš duovddaguovlun evttohuvojedje ođđa čuozáhagat

Ođas 15.5.2018 dii 9.09



Kotka, Haapasaari, riikkaviidosáččat árvvolaš duovddaguovlu, © Govva: Tapio Heikkilä, birasministeriija

**Birasministeriija lea válmmaštallamin riikkaviidosáččat árvvolaš duovddaguovlluid listtu beaivádeami. Gullanjorrosa áigge duovddaguovlluid birra addojuvvojedje badjelaš 400 cealkámuša ja oaivila. Čoahkkáigeassu dain lea dál válmmaš. Cealkámušain ja oaiviliin evttohuvojedje badjelaš 27 ođđa guovllu.**

Stáhtaráđdi nannii jagi 1995 dálá 156 riikkaviidosáččat árvvolaš duovddaguovllu. Buot guovllut dárkkistuvvojedje 2010–2015 seamma áigge go birashálddahus inventerii viidát dálonguovlluid kulturduovdagiid. Seammás bohte evttohusat muhtin guovlluin, maid galggalii guođdit eret dahje lasihit duovddaguovlluid listui. Eanaš oassi ođđa čuozáhagain gávdnojedje Badje-Lappi sámeaguovllus. Beaivádaninventerema vuođul Supmii evttohuvojit oktiibuot 183 riikkaviidosáččat árvvolaš duovddaguovllu.

Inventerenevttohusain lágiduvvui giđdat 2016 sihke cealkámuš- ja gullanjorus, vai evttohusain boađášii viiddes servodatlaš oaidnu. Virgeoapmahaččat, gielddat ja searvvit adde evttohusain oktiibuot 168 cealkámuša. Gullama hálddahuslága mielde lassin riikkavuložat ja iešguđet guovllu searvvit sáddejedje 256 oaivila. Gullanjorrosa čoahkkáigeassu lea dál almmustahttojuvvon birasministeriija raportan.

Duovddaguovlluid beaivádaninventeremii lei cealkámušaid mielde dárbu. Muhtin veardde badjánii kritihka inventerema árvoválljeumiide ja meannudanvugiide, earret eará dieđiheapmái. Maiddái oaiviliid mielde inventeren lei eanaš positiiva ášši: dehálaš lei earet eará dat ahte duovddaguovllut seailuhuvvojit ja dikšojuvvojit maid boahttevaš buolvvaide. Oaiviliid mielde duovddaguovlluid meroštallan maid ovddida kulturduovdaga árvvusatnima. Mánnga oaivilis buktojuvvui ainjuo maid fuolla eananoamasteddjiid vuoigatvuođaid ja vejolaš eanangeavahanráddjehusaid dáfus.

Ovttaskas duovddaguovlluin ja daid ráddjemiin buktojuvojedje ovdan valjit detálljafuomášumit. Cealkámušat sisttisdolle 407 kommeantta, main muhtin guovlu guottihuvvui, dahje dan ráji sávve kommeanttaid mielde viiddidit. Neutrála oaivilat dahje guovllu gáržžidanevttohusat ledje oktiibuot 141, ja 18 evttohusa guske olles guovllu guođđima eret duovddaguovlluid listtus.

Oaivilat, mat laktásit guovlluide, bohte iešalddes viehka unnán: badjelaš bealli guovlluin dahjege 109 guovllu eai máinnašuvvon ollenge. Oaivilat sisttisdolle 87 kommeantta, main muhtin guovlu guottihuvvui dahje dan dan ráji sávve kommeanttaid mielde viiddidit. Neutrála oaivilat dahje gáržžidanevttohusat ledje 38, ja 65 evttohusa guske olles guovllu guođđima eret duovddaguovlluid listtus.

Cealkámušaide ja oaivilat sisttisdolle oktiibuot 27 evttohusa áibbas ođđa guovlluin. Dasa lassin háliiduvvui ahte 11 inventeremis dakkár duovddaguovllut, mat leat evttohuuvvon guđđojuvvot eret, oaččoše ruovttoluotta árvoluohkámerkema riikkaviidosazžan.

Birasministeriija almmustahtán čoahkkáigeasus lea dárkilis čilgehus cealkámušaid ja oaiviliid sisdoalus, mat laktásit iešguđet duovddaguvlui. Válmmaštallama čuovvovaš muttus buot duovddaguovlluin dahkkojuvvon fuomášumit geahčaduvvojit dárkileappot. Vejolaš guovloviiddidemiid ja ođđa čuožáhagaid dáfus bohtet vel sierra čielggadeamit ja ođđa gullan.


Gažaldagaide ja fuolaide, mat leat boahtán ovdan válmmaštallama oktavuodas, lea vástiduvvon publikašuvnnas MAISEMA – opas arvokkaiden maisema-alueiden maankäytön suunnitteluun (sá. DUOVDDA – Rávagirji árvvolaš duovddaguovlluid eanangeavahanplánemii). Publikašuvnna leaba buvttadan Máttá-Suoma ProAgria ja Eanan- ja ruovttudoallonissonat, ja ruhtadan birasministeriija.

[Riikkaviidosoččat árvvolaš duovddaguovlluid beaivádaninventeremis addojuvvon cealkámušat ja oaivilat](#) (stáhtaráđi publikašuvdnaarkiiva)

- [DUOVDDA – Rávagirji árvvolaš duovddaguovlluid eanangeavahanplánemii](#) (Eanan- ja ruovttudoallonissonat)
- [Dálonguovloduovdagat – árvvolaš duovddaguovlluid inventeren](#) (maaseutumaisemat.fi)
- [Riikkaviidosoččat árvvolaš duovddaguovlluid guoski gullanmateriála](#)
- **Lassidieđut:**

Plánejeaddji Sonja Forss, Suoma birasguovddáš, p. 0295 251 120, ovdanamma.goargu@ymparisto.fi

Birasráđđi, Tapio Heikkilä, birasministeriija, p. 0295 250 166, ovdanamma.goargu@ym.fi




Cealkámušaid ja oaiviliid ovdanbuktiid doaladupmi beaivádaninventeremis evttohuuvvon duovddaguovlluide.

Yksittäistä aluetta koskevia näkemyksiä = Ovttaskas guvlui laktáseaddji oaivilat

Kannattaa / laajentaisi = Guottiha / viiddidivččii

Poistaisi koko alueen = Guođášii olles guovllu eret

Neutraali / supistaisi = Neutrála / gáržžidivččii



Valtakunnallisesti arvokkaat maisema-alueet (MAPIO-työryhmän ehdotus) ja maisemamaakunnat © SYKE

Nationellt värdefulla landskapsområden (MAPIO-arbetsgruppens förslag) och landskapsprovinser © SYKE

Riikkaviidosaččat árvvolaš duovddaguovllut (MAPIO-bargojoavkku evttohus) ja duovddaeana gottit © SYKE

[Čuozáhagaid namat, mat leat merkejuvvon kártii \(pdf\).](#)